


ԳԵՐԵՆԻԿ  
ԵՊԻՍԿՈՊՈՍ

ՄԿՐՏՈՒԹՅՈՒՆ  
ԵՎ ԴՐՈՇՄ  
(ԿՆՈՒՆՔ)



1988



Այս գրքույկը կազմվել է Դերենիկ եպիսկոպոսի «Հայ առաքելական եկեղեցու խորհուրդները» գրքից: Հայ եկեղեցին ունի յոթ խորհուրդ՝ մկրտություն, դրոշմ, հաղորդություն, ապաշխարություն, ձեռնադրություն, պսակ-ամուսնություն և վերջին օծում:

Այն, որ մենք ԿՆՈՒՆՔ ենք անվանում փաստորեն իր մեջ ընդգրկում է երկու խորհուրդ՝ մկրտություն և դրոշմ, իսկ վերջում էլ կատարվում է երրորդ խորհուրդը՝ հաղորդությունը: Հեղինակն իր առջև նպատակ է դրել համառոտ պատմել, թե ինչպես է քահանան կատարում այդ խորհուրդները, ինչ մասերից են բաղկացած և համառոտ նկարագրում է թե՛ այդ գործողությունները և թե՛ դրանց հոգևոր նշանակությունը: Այդ ամենը պարզ ընդգրկելու և պատկերացնելու համար ընթերցումներն Աստվածաշնչից բերվում են աշխարհաբար, իսկ մկրտության ժամանակ ասվող հիմնական աղոթքներն ու բանաձևերը թե՛ դրաբար և թե՛ աշխարհաբար: Բոլոր դարաշրջաններում Աստծո կամքն է, որ «ամենը միացնի Գլխին՝ Քրիստոսին, որում և մենք ժառանգ եղանք» (Եփեսացիներին 1. 9-11):

Թե Պողոս Առաքյալի և թե եկեղեցու անդամների սրտի բաղձանքն է եղել, որ մարդկանց հոգու աչքերը բացվեն, որ կարողանան իրենց

Փրկչին՝ իր աստվածային արյամբ իրենց գնող Տիրոջը ճանաչեն և առավել ճանաչելու ետևից լինեն: Այժմ ստեղծվել է մի այնպիսի իրավիճակ, երբ մեզանից շատերը մկրտվում են որպես քրիստոնյա, բայց չեն ճանաչում «իրենց փրկագնող Տիրոջը» և չգիտեն թե ո՞վ է Քրիստոսը և թե ի՞նչ է մկրտությունը: Այս բացը լրացնելու համար է այս գրքույկը: Այն կարող է օգտակար լինել երեխաներին, այսինքն՝ մկրտությանը նախապատրաստվող մարդկանց, նաև կնքահայրերին՝ ճանաչելու և քրիստոնեական իրենց պարտականությունը սիրով ի գործ դնելու համար: Հայ Առաքելական Եկեղեցուն շատ խորթ է այն փաստը, որ կնքահայրը կարող է լավ գիտակ չլինել Հավատքին և Դավանանքին և, Մկրտվողը կարող է չիմանալ թե ո՞վ է Քրիստոսը, ինչո՞ւ աշխարհ եկավ, և ի՞նչ կատարեց և որ գալու է նորից այս անգամ դատելու ողջերին և մեռածներին: Եկեղեցու տեսանկյունով մկրտությանը մարդը անդամագրվում է Եկեղեցուն, դառնում է նրա լիիրավ անդամը՝ մարմինը և անդամը լինելով Քրիստոսի:

Ըստ մեր Եկեղեցու, մարդը, եթե հավատով ապաշխարում, զղջում է իր գործած մեղքերի համար և մտնում է Եկեղեցի, մկրտվելով Սուրբ Երրորդության անունով, ստանում է մեղքերի թողություն և կնքվում է Սուրբ Հոգով, որը մարդու փրկագնված լինելու գրավականն է: Իսկ զրոշմի միջոցով ընդունում է Սուրբ Հոգու շնորհը, այսինքն էլ ավելի կյանք և Աստծուն ծառայելու համար անհրաժեշտ եղող Շնորհը: Այսինքն, լուկ հավատով, առանց գործերի, անդամակցվում է Քրիստոսի Եկեղեցուն՝ լիիրավ անդամ դառնում այն ընտանիքին, որի անունն է Հայաստանյայց Առաքելական Եկեղեցի: Այսինքն, աստվածաշնչական ձևակերպումը՝ «**մենք հավատով արդարացած խաղաղություն ունենք Աստծո հետ մեր Տեր Հիսուս Քրիստոսի միջոցով**» (Հռոմ. 5.1), կյանքի է կոչում: Եվ այս ամենը հավասարակշռվում է Եկեղեցու ընդհանրական ընկալմամբ. այս երկրային կյանքը մենք կարող ենք կորցնել կամ մարել մեր վարքով, մեր գործերով: Եվ եկեղեցին տալիս է իր դեղատոմսը՝ հավատով հարատևել բարիք գործելով:

Եկեղեցու Հայրերը միշտ էլ պատշաճ տեղ են հատկացրել այս նյութերին, անվանելով այն «առաջին սովորելիքներ»: Հավատում ենք և աղոթում, որ աղոթքով երկնքից իջեցրած այս խորհուրդներին ծանոթանալը կօգնի մարդկանց պատշաճ հավատով և որոշ գիտելիքներով մոտենալ այդ խորհուրդին, որը պետք է կատարել «երկյուղով և հավատով»:

# ՄԿՐՏՈՒԹՅՈՒՆ

## ԽՈՐՀՐԴԻ ՆՇԱՆԱԿՈՒԹՅՈՒՆԸ

**Մ**կրտությունը ադամական՝ սկզբնական մեղքից սրբվելու և հոգևոր վերածննդի խորհուրդն է: Մկրտվելով երեխան ընդունում է Սուրբ Հոգին՝ դառնում մարմին և անդամ Եկեղեցու՝ հագնելով Քրիստոսը: Հայաստանեաց Եկեղեցու մկրտության կարգի համաձայն մկրտվողը ընդունում է Երկնավոր Հոր որդեգրությունը դառնում ժառանգակիցը Քրիստոսի և Տաճար Հոգվույն Սրբո: Այսպիսով մկրտությանը երեխան դառնում է նոր մարդ, սրբված՝ վերածնված: Մկրտությունը խորհուրդներից առաջինն է: Քանի դեռ մարդը մկրտված չէ, նրա վրա չի կարեքի որևէ ուրիշ խորհուրդ կատարել: Հովհաննես Երզնկացին այդ առիթով այսպես է ասում.

Մկրտությունը Քրիստոնեության սկիզբն է և գլուխը, ժողովուրդը այն կնուք է անվանում: Ի՞նչ է Մկրտությունը. - Վերստին և հոգևոր ծնունդ է, ինչպես որ Քրիստոսն ասաց. Եթե մեկը վերստին չծնվի՝ Հոգուց և ջրից, չի կարող մտնել Երկնքի Թագավորությունը. (Հովհաննես 3. 3-5): Եվ ասվում է Վերստին ծնունդ, քանի որ առաջին անգամ ծնվում են ըստ մարմնի՝ մարմնավոր ծնողներից, որը մեղանչական ծնունդ է, երկրորդ անգամ ծնվում են հոգևոր և աստվածային ծնունդով՝ հոգևոր ծնողներից: Այս ծննդյան հայրը Աստվածն է, մայրը՝ Եկեղեցին, արգանդը՝ Ավագանը, որը ծնում է մանկանը ջրով և Հոգով: Որովհետև ինչպես Ջուրը լվանում և մաքրում է կեղտը, այնպես էլ Սուրբ Հոգին սրբում և մաքրում է մարդու հոգին և դարձնում մարդուն տաճար Աստծո: (Խրատներ, էջ 149)

Հայոց Եկեղեցու մկրտությունը կատարվում է ջրի մեջ երեք անգամ ընկղմելով հանուն Սուրբ Երրորդության, քրիստոնեական եկեղեցու նախկին սովորության համաձայն: Երեք անգամ ընկղմվելը համապատասխանում է Քրիստոսի քալչարար գործին. ջրի մեջ մտնելը մահվան նշանակ է, ընկղմվելը՝ թաղման, ջրից դուրս գալը՝ հարություն:

Այսպիսով Հին մարդը մեռնում է, նորը՝ Հարուժյուն առնում: Մկրտվածը դառնում է Եկեղեցու՝ այսինքն փրկված մարդկության մեկ անդամը:

Ըստ Պողոս Առաքյալի Քրիստոսի մահը, թաղումը և Հարուժյունը իրողություններ են ոչ միայն պատմական տեսանկյունով, այլև իրողություններ են, որոնք ներգործում և ներազդում են նաև Հիմա՝ ըստ աշխարհի հավերժական կարգի: Հավատացյալը մկրտությամբ միանալով Քրիստոսին մասնակից է լինում նրա կյանքի այս իրողություններին: մեռնում նրա մահով, թաղվում է նրա հետ և Հարուժյուն առնում նրա Հարուժյամբ: Ջրի մեջ մտնելով յուրաքանչյուր անհատ մեռնում է Քրիստոսի հետ: Ջրի մեջ ընկղմելով թաղվում է Քրիստոսի հետ՝ փաստելով, որ իր մահը մեղքի հանդեպ իրական է, ինչպես Քրիստոսի մահը: Ջրից դուրս գալով սրբվում է և վերածնված ու Հարուցյալ նոր կյանք մտնում:

ԽՈՐՀՐԴԻ ԿԱՏԱՐՄԱՆ ՊԱՅՄԱՆՆԵՐԸ

**Մ**կրտության խորհուրդը կատարողը պետք է քահանայական կարգ ունեցող եկեղեցական լինի: Հայ Եկեղեցու տեսանկյունով շատ հստակ է այն իրողությունը, որ Եկեղեցին կատարում է խորհուրդը՝ քահանայի ձեռքով: Եկեղեցին Քրիստոսի մարմինն է և խորհուրդը կատարողը անձամբ Քրիստոսն է: Եկեղեցու կենդանի գործավորությունից դուրս ոչ խորհուրդ կա, ոչ էլ խորհրդակատար:

Հայոց Եկեղեցին նույնիսկ սարկավագներին է խստիվ արգելել մկրտություն կատարել, անկախ ամեն տեսակ իրավիճակներից: Սուրբ Սահակ Հայրապետի կանոններում պարզորոշ ասված է.

Սարկավագները երբեք չմկրտեն, եթե փորձեն մկրտել՝ լուծման ենթարկվին և պատժվեն, քանի որ սարկավագը քահանա չէ, այլ քահանայի սպասավոր

(Կանոն 17):

Նույն բանն է հրահանգում Դավիթի Բ ժողովի 17 կանոնը: Ուշագրավ է նաև Պարտավի ժողովի 20 կանոնը, ըստ որի նույնիսկ մանկան մահամերձ լինելու պարագայում քահանայից բացի ոչ ոք իրավունք չունի խորհուրդ կատարելու, քանի որ ոչ միայն մկրտվելու ջերմ փափագ ունեցող չափահասներն են փրկվում փափազը չիրագործած մեռնելու դեպքում, այլև նաև մանուկները՝ իրենց ծնողների մկրտելու փափագի և դիտավորության շնորհիվ, անգամ եթե մահանում են մկրտվելուց առաջ: Եկեղեցական թաղման կարգը կատարելու համար ծնողները պետք է հայտնեն քահանային իրենց դիտավոր-

րության մասին:

Եթե մկրտվողը չափահաս է, անհրաժեշտ է, որ ապաշխարած լինի և հավատ ունենա:

- Ի՞նչ անկը, եղբայրներ:
- Պետրոսը նրանց ասաց.
- Ապաշխարեցեք, և ձեզնից յուրաքանչյուրը թող մկրտվի Տեր Հիսուս Քրիստոսի անունով՝ մեղքերի թողության համար, և պիտի ընդունեք Սուրբ Հոգու պարգևը: Գործք Առաքելոց 2.38
- Արդ, ապաշխարեցեք և դարձի եկեք, որ ձեր մեղքերը ջնջվեն: Գործք Առաքելոց 3.19
- Ով որ հավատա և մկրտվի կփրկվի, և ով չհավատա, պիտի դատապարտվի: Ավետարան ըստ Մարկոսի 16.16

Չապաշխարած և անհավատ մարդիկ չպետք է մկրտվեն:

Հասակավոր երեխաների (եկեղեցին երեխա է անվանում ցանկացած տարիքի մկրտության պատրաստվող մարդկանց) թե աղամական, այսինքն ծնունդով ժառանգած, և թե ներգործական, այսինքն կյանքի ընթացքում գործած մեղքերը մկրտությամբ ջնջվում են: Նրանք պետք է տեղյակ լինեն մկրտության նախապատրաստման համար կանոնացված պայմաններին, որի մասին Մաշտոցը՝ խորհուրդների կատարման ծիսարանը, հատուկ խրատ ունի.

- Երբ ցանկանում են քրիստոնյա դարձնել հասակն առած երեխային, չի թույլատրվում եկեղեցի մտնել, այլ մկրտությունից ամենաքիչը երեք շաբաթ ձեռնադրում են\* և սովորեցնում հավատը և Եկեղեցու վարդապետությունը, որն է.
- Սուրբ Երրորդության Աստվածությունը, Նրա Արարչությունը և մնացած ամեն ինչի ստեղծված լինելը, և ապա Քրիստոսի ծնունդը: Նաև հերթականությամբ ամբողջ տնօրենությունը.
- Խաչի մեծ խորհուրդը,
- Թաղումը Քրիստոսի,
- Հարուժյունը, առ Հայր Համբարձումը
- և Երկրորդ Գալուստը,
- բոլոր մարմինների հարուժյունը,
- հավատացյալների ընտրությունը
- և նրանց յուրաքանչյուր գործի հատուցումը:

Սա է չափահասների մկրտության կարգը. նախ այսպես, երեխայացնելով, այսինքն մկրտության պատրաստելով, ուսուցանում են,

\* Մկրտությունից առաջ ձեռնադրելը դրոշմի խորհուրդի հետ որևէ կապ չունի, ուղղակի քահանայի կողմից օրհնության ձև է: Այժմ: ցավոք սրտի, գործնականում այս պահանջները չեն կատարվում: Այս գիտելիքները մկրտվողին պեք է հաղորդեն կամ ծանոթ քրիստոնյաները կամ էլ կնքահայրը:

Հետո առաջնորդում մկրտութեան:

Պատերազմի ժամանակ այն բոլոր երեխաները, այսինքն մկրտութեանը նախապատրաստված չափահասներն ու փոքր տարիքի մանուկներ, որոնք հակառակ իրենց փափազին չեն հասցրել մկրտվել, սրբվում են իրենց մեղքերից իրենց մարտիրոսական մահով, որպես թե Սուրբ Ավագանում մկրտված լինեն. նրանք մկրտվում են հրով և Սուրբ Հոգով (Տե՛ս կանոն Աթանասի 87):

Մանկան փոխարեն նրա հավատի պատասխանատվությունը ստանձնում է կնքահայրը, քանզի անգիտություն պատճառով երեխան խորհուրդը ընդունելու համար անհրաժեշտ հավատ չունի: Անհրաժեշտ է, որ կնքահայրը լինի հավատացյալ մարդ և նույն եկեղեցու անդամ: Կնքահայր չեն կարող լինել այլադավան եկեղեցիների և տարբեր կրոնների պատկանող անձինք, ինչպես նաև կանայք և անչափահասներ\*:

Այսպիսով Հայաստանյայց եկեղեցում կնքահոր պաշտոնն է երեխայի անգիտակցության հետևանքով վկայել նրա հավատի մասին և հոգալ երեխայի հոգևոր դաստիարակությունը՝ առաջնորդելով նրան եկեղեցու հավատին: Այդ պատճառով էլ կնքահայրը պետք է լինի կատարյալ հավատացյալ զավակ Հայաստանեաց եկեղեցու, ծանոթ նրա հավատի դավանությունը, որպեսզի կարողանա Ավետարանը ուսուցանել մանկանը և նրան մեծացնել քրիստոնեական ոգիով՝ Հայաստանեայց եկեղեցու դավանությամբ: Իհարկե, սա չի նշանակում, որ ծնողները պատասխանատու չեն երեխայի դաստիարակության սրբազան գործին:

Կնքահայրը և ծնողները գործակից պետք է լինեն, նրանցից մեկի մահվան դեպքում երեխայի ամբողջ դաստիարակության պատասխանատվությունը ընկնում է մյուսի վրա\*\*:

\* Վերջին հարյուրամյակի փորձը ցույց է տվեց, որ որոշ դժվար իրավիճակներում կանանց կնքահայր լինելը հարցի միակ լուծումն է՝ գաղտնի կատարվող մկրտության անհրաժեշտ պայմանը: Ավելի ճիշտ չենց մկրտող քահանան երբեմն ստանձնում է կնքահոր պաշտոնը:

\*\* Հովհաննես Երզնկացին իր Նրատներում այսպես է հաղորդում. քրիստոնյաները պարտավոր են իրենց զավակներին սրբությունը և անարատությունը դաստիարակել մկրտության օրից մինչև չափահաս դառնալը: Երբ սկսի զգալ, խաչ հանել պետք է սովորեցնել, երբ սկսի քայլել՝ ծնրադել, երբ ազատ խոսի, հարկ է սովորեցնել հավատ խոստովանությունը, որի կնքահայրն ասաց մկրտության ժամանակ):

Հավատում ենք Ամենասուրբ Երրորդությունը՝ Հորը Որդուն և Սուրբ Հոգուն, Գաբրիելի ավետմանը, Քրիստոսի ծննդին, մկրտությունն ու չարչարանքներին, խաչելությունը, աստվածապես համբարձմանն ու Հոր Աջ կողմում նստելուն, ահավոր և փառավորյալ մյուս անգամ գալստյանը խոստովանում ենք և հավատում:

Հաւատամք յամենասուրբ Երրորդութիւնն՝ ի Հայր, և յՈրդի, և ի Սուրբ Հոգի, գաւետումն Գաբրիելի, զԾնունդն Քրիստոսի, զմկրտութիւնն, զչարչարանսն, զխաչելութիւնն, զաստուածապէս համբաճումն, զնստիլն ընդ աջմէ Հօր, զահաւոր և զփառաւորեալ զմիւսանգամ գալուստն՝ խոստովանիմք և հաւատամք:

Մկրտությունը պետք է կատարվի եկեղեցու վիճակերտ ավագանում:

Պետք է ավագանը մի այլ նյութից պատրաստել և ուր ուզել դնել, այլ պետք է ճաստատել մի քարեղեն ավագան հենց եկեղեցու մեջ (13-րդ կանոն, Ե ժողով Դուխնա):

Եթե երեխան հիվանդ է կա մահվան վտանգ, թույլատրվում է խորհուրդը կատարել տանը:

Տանը... Հարկ է քահանաներին մկրտելու, միայն այն դեպքում է կարելի, երբ երեխային մահվան երկյուղն է սպառնում (15-րդ կանոն, Բ ժողով Դուխնա):

Մկրտությունը կարելի է կատարել տանը կամ մի այլ հարմար վայրում այնտեղ, ուր եկեղեցի չկա կամ եկեղեցին հալածվում է: Առանց մկրտության մահացող երեխայի վրա թաղման կարգ չեն կատարում, որովհետև Սուրբ Հոգին չի ստացել և եկեղեցու մարմին և անդամ չի եղել: Ըստ Հայրապետների հաստատած կանոնի՝

Քանի որ կյանքում արժանի չեղավ կենանարար Շնորհին (Երուսաղեմ, Ձեռագիր 2911, էջ 480):

Երեխաների մկրտության ժամանակը ութօրյա է: Մահվան վտանգի դեպքում կարելի է ավելի շուտ կատարել: Եթե հիվանդություն կամ այլ պատճառով հնարավոր չէ ջրի մեջ ընկղմել, թույլատրվում է կատարել խորհուրդը հեղմամբ (վրան լցնելով) կամ սրսկումով (ջուրը ցողելով):

Մկրտությունը չի կարելի նորից կատարել, որովհետև այն հոգևոր ծնունդ է:

**Մի Տեղ, մի հավատ և մի մկրտություն:**

(Պողոս Առաքյալի Ուղերձը Եփեսացիներին 4.5)

Մարդը մեկ անգամ է ծնվում, ուստի մեկ անգամ է միայն

մկրտվում: Մկրտութունը կարելի է կրկնել այն ժամանակ միայն, երբ այն Սուրբ Երրորդության անունով չի կատարվել և երբ մկրտվողը չի հավատացել Հիսուս Քրիստոսի աստվածությանը:

Անվավեր մկրտութունից հետո պետք է այն կրկնել, ավելի ճիշտ վավերաբար պետք է մկրտել: Եթե մկրտողը քահանա չէր, անվավեր է մկրտութունը և հարկ է, որ ենթական քահանայի ձեռքով մկրտվի: Աթանաս Հայրապետի 49-րդ կանոնն այսպես է ավանդում.

Եթե մեկը հանդգնում է օտար երկիր գնալ և իրեն քահանա անվանելով շատերին մկրտել շահի ու նյութականի համար, և հետո բացահայտվում է, որ նա, որից մկրտվեցին, քահանա չէ, ի՞նչ է անելու մկրտվողը: Պատասխան՝ նորից է մկրտվելու:

Իսկ եթե մկրտողը քահանա էր, բայց այնպես պատահեց, որ մկրտության համար անհրաժեշտ եղող նյութը կամ բանաձևը չգործածվեց, այս դեպքում մկրտությունը, թեև կատարվել է քահանայի ձեռքով, անվավեր է և պետք է երեխան նորից վավերաբար մկրտվի:

Թե հին, թե նոր բոլոր այն աղանդավորները, որոնք Սուրբ Երրորդության անվամբ չեն մկրտվել կամ էլ իրենց մկրտողները Հիսուս Քրիստոսի աստվածութունը չեն դավանել, պետք է նորից մկրտվեն, երբ ուզեն գալ ճշմարիտ եկեղեցու ծոցը:

**ԽՈՐՀՐԴԻ ԿԱՏԱՐՈՒՄԸ**

Մկրտության առաջին մասը ապաշխարությունն է: Կնքահայրը և խորհրդակատարման ներկաները հանուն երեխայի զղջում են իրենց գործած մեղքերի համար և Աստծուց թողութուն հայցում:

Երկրորդ մասը. երեխայի հրաժարումն է աշխարհից և դարձը հավատի Լույսին՝ Աստվածգիտությունը, և հետո իր հավատի դավանության հայտարարումը:

Երրորդ՝ մուտքն է եկեղեցի\* մկրտվողը ապաշխարած մաքրագարդված և իր հավատը հայտարարած արժանի է Քրիստոսի եկեղեցու անդամը լինելու:

Չորրորդ մասը բուն մկրտությունն է. նախ ջուր է լցվում ավազանի մեջ, հետո երեխային նրա մեջ են իջեցնում և ապա ջրից դուրս հանում:

Երեխան սաղմոսների փոխասացությունը տարվում է եկեղեցի: Որից հետո քահանան ոլորում է կարմիր և սպիտակ թելերով նարտը՝

\* Ապաշխարությունն ու հրաժարումը տեղի է ունենում Տաճարի գավթում:

որպես Քրիստոսի տիգախոց կողից ելած կենարար արյան ու ջրի խորհուրդ և երգում է «Երրորդութունն անբաժանելի» ու «Պահպանիչ» ասելով նարտի վրա աղոթում է.

Ըստ որի իր ծննդից ի վեր զավակ է ինքը: Եվ ահա

Ով մարդասեր Տեր, ընդունիր Քեզ ընծայվող այս երեխային, սրբիք միտքն ու խորհուրդները նրա՝ հակառակորդի ամեն ներգործումից: Արժանացրու սուրբ Ավագանով լվանալ մեր մեղքի հնութունը և Քո շնորհի լույսով նորոգվել... լցրու նրան երկնային շնորհով և ուրախացրու ամենաբարի կոչումով Քրիստոնյա անվանվելու և արժանացրու սրան Մկրտության վերատին ծննդյան սուրբ Ավագանին, ընդունելով Քո Սուրբ Հոգին՝ Քո Սուրբ Եկեղեցու մարմինը և անդամը լինի:

Ընկալ մարդասէր Տէ՛ր, զընծայեալն Քեզ զերեկայց զայս, և սրբեա՛ գմիտս և զխորհուրդս սորա յամենայն ներգործութեանց հակառակորդին: Եւ արժանի՛ արա զսա ի ձեռն սուրբ Աւագանի լուանալ զհնութիւն մեղաց իւրոց, և նորոգիլ լուսով շնորհաց քոց... լցո՛ զսա երկնային շնորհօքդ, և զուարճացո ամենաբարի կոչմամբ Քրիստոնեա անուանելով և արժանի արա զսա Մկրտութեան վերատին ծննդեան սուրբ Ավագանին: Եւ ընդունելով զՀոգիդ քո Սուրբ, մարմին և անդամ եղիցի եկեղեցւոյ քում սրբոյ:

Կնքահայրը շապիկ հագած երեք անգամ ծնրադրում է և ասում 21-րդ սաղմոսի 11-րդ տունը.

Մորս արգանդից Քեզ հանձնվեցի Դու ես իմ Աստվածը:

Ի Քեզ անկալ ես յարգանդէ՛ յորովայնէ մօր իմոյ. Դու ես Աստուած իմ:

զրկում է երեխային և արևմուտք դառնալով քահանայի հետ միասին երեք անգամ արտասանում է «Հրաժարիմք»: Եթե մկրտվողը չափահաս է, ինքն է երեք անգամ թնրադրում և ապա քահանայի հետ միասին ասում «Հրաժարիմք», ընդ որում ձեռքերը պահում են դեպի վար՝ ափերը կոր, իսկ «Հավատամքի» ժամանակ ձեռնամամ:

Հրաժարվում ենք սատանայից և նրա բոլոր խաբուսություններից, պատրանքներից նրա, խորհուրդներից նրա, ընթացքից նրա, չար կամքից նրա, չար հրեշտակներից նրա, չար պաշտոնյաներից նրա, չար կամքը կատարողներից նրա, և նրա ամբողջ չար գորությունից հրաժարվելով հրաժարվում ենք:

Հրաժարիմք ի սատանայէ և յամենայն խաբուսութենէ նորա ի պատրանաց նորա ի խորհրդոց նորա, ի գնացից նորա, ի չար կամաց նորա, ի չար հրեշտակաց նորա ի չար պաշտոնէից նորա, ի չար կամարարաց նորա և յամենայն չար գորութենէ նորա հրաժարելով հրաժարիմք:

Այսպիսով երեխան մեղանշական կյանքից և աշխարհից դառնում է դեպի հավատի Լույսը: Նրա հետ բոլորն էլ գնում են դեպի արևելյան կողմը՝ խորան՝ աստվածգիտություն Լույսին: Կարգացվում է Մատթեոսի ավետարանի 28-րդ գլխի 16-20 տները:

Իսկ տասնմեկ աշակերտները գնացին Գալիլեա, այն լեռը, ուր պատվիրել էր իրենց Հիսուսը: Եվ տեսնելով Նրան՝ երկրպագեցին Նրան՝ իսկ ոմանք տարակուսեցին: Հիսուսն էլ մոտենալով նրանց ասաց. Ամեն իշխանություն Ինձ տրվեց՝ երկնքում ու երկրի վրա: Ուրեմն գնացե՛ք, բոլոր ազգերին աշակերտ դարձրե՛ք, մկրտեցե՛ք նրանց Հոր, Որդու և սուրբ Հոգու անունով: Սովորեցրե՛ք նրանց պահելու այն ամենը, ինչ որ ձեզ պատվիրեցի, և ահա ամեն օր Ես ձեզ հետ եմ՝ մինչև աշխարհի վերջը: Ամեն:

Եվ այս բոլորն իրար հետ ասում են «Հավատամքը»: Մկրտություն խորհուրդը կատարելուց չի կարելի անտեսել «Հավատամքը», որովհետև այն մկրտվողի քրիստոնեական հավատ ունենալու հայտարարությունն է. նա վկայում և խոստովանում է իր հավատը: Օտարագրիներին չի կարելի մկրտել մինչև չսովորեն և չխոստովանեն «Հավատամքը»: Իսկ երբ մեկը խոստովանի և փափագի եկեղեցու անդամ լինել, այն ժամանակ կարելի է մկրտության խորհուրդը նրա հետ կատարել:

**Հավատամքը.**

Հավատում ենք մեկ Աստծո՝ Ամենակալ Հորը, Արարչին երկնքի և երկրի, տեսանելի և անտեսանելի բաների:

Եվ մեկ Տերը՝ Հիսուս Քրիստոսին՝ Աստծո Որդուն, ծնված Հայր Աստծուց՝ միածին, այսինքն Հոր էությունից: Աստված է Աստծուց, Լույս՝ Լույսից, ճշմարիտ Աստված՝ ճշմարիտ Աստծուց, ծնված, այլ ոչ թե ստեղծված:

Նույն ինքն է՝ բնությունը Հոր, որով եղավ ամեն բան թե երկնքում, թե երկրի վրա՝ տեսանելի և անտեսանելի:

Որը երկնքից իջավ մեզ՝ մարդկանց համար և մեր փրկության նպատակով, մարմնացավ, մարդացավ, կատարյալ կերպով ծնվեց Սուրբ Կույս Մարիամից՝ Սուրբ Հոգով: Որից էլ իրական, այլ ոչ թե թվացող մարմին առավ, հոգի և միտք և այն ամենը, ինչ որ կա մարդու մեջ:

Հաւատամք է Մի Աստուած, է Հայրն ամենակալ, յԱրարիչն երկնի և երկրի, երեւելեաց և աներեւույթից:

Եւ է Մի Տէր Յիսուս Քրիստոս՝ յՈրդին Աստուծոյ՝ ծնեալն յԱստուծոյ Հօրէ՛ միածին, այսինքն՝ յէութենէ Հօր: Աստուած յԱստուծոյ, Լոյս՝ է Լուսոյ, Աստուած ճշմարիտ յԱստուծոյ ճշմարտէ, ծնունդ և ոչ՝ արարած:

Նոյն ինքն է բնութենէ Հօր, Որով ամենայն ինչ եղև յերկինս և է վերայ երկրի՝ երեւելիք և աներեւոյթք:

Որ յաղագս մեր՝ մարդկան, և վասն մերոյ փրկութեան իջեալ յերկնից մարմնացաւ, մարդացաւ, ծնաւ կատարելապէս է Մարիամայ սրբոյ Կուսէն Հոգւովն Սրբով:

Որով էաւ զմարմին, զհոգի և զմիտ, և զամենայն, որ ինչ է է մարդ՝ ճշմարտապէս և ոչ՝ կարծեօք:

Չարչարեալ, խաչվեց, թաղվեց, երրորդ օրը հարուժուեց առաւ: Նույն մարմնով ելավ երկինք, նստեց Հոր աջ կողմում:

Գալու է նույն մարմնով և Հոր փառքով՝ դատելու ողջերին և մեռածներին և որի թագավորությունն անվախճան է:

Հավատում ենք նաև Սուրբ Հոգուն, որն անեղ է և կատարյալ, որը խոսեց Օրենքի և Մարգարեների գրքերում և Ավետարանում: Որն իջավ Հորդանան, քարոզեց Առաքողի մասին և բնակվեց սուրբերի մեջ: Հավատում ենք նաև մի և ընդհանրական և Առաքելական սուրբ Եկեղեցուն. մեկ մկրտությունը, ապաշխարությունը, մեղքերի քաղցրությանն ու թողությունը:

Մեռելների հարությունը, հոգիների և մարմինների հավիտենական դատաստանին, երկնային արքայությունը և հավիտենական կյանքին:

Չարչարեալ, խաչեալ, թաղեալ, յերրորդ աւուր յարուցեալ, ելեալ է յերկինս նովին մարմնովն՝ նստաւ ընդ աջէ Հօր:

Գալոց է նովին մարմնովն և փառօք Հօր՝ է դատել զկենդանիս և զմեռեալս, Որոյ թագաւորութեանն ոչ գոյ վախճան:

Հաւատամք և է Սուրբ Հոգին, յանեղն և է կատարեալն, որ խօսեցաւ յՕրէնս և է Մարգարէս և է յԱւետարանս. Որ էջն է Յորդանան, քարոզեաց յԱռաքեալան և բնակեցաւ է սուրբսն:

Հաւատամք և է մի միայն Ընդհանրական և Առաքելական Սուրբ Եկեղեցի: Ի մի մկրտութիւն, յապաշխարութիւն, է քաւութիւն, և է թողութիւն մեղաց. է յարութիւնն մեռելոց, է դատաստանն յաւիտենից, հոգւոց և մարմնոց, յարքայութիւնն երկնից, և է կեանսն յաւիտենականս:

Սարկավազները երգում են «Բաց մեզ, Տեր, դուռը քո ողորմության» ու բոլորը գալիս են դեպի դաս:

Հետո կնքահայրը երեխան գրկած դասի առջև խոնարհվում է ու «Արեգակն արդարություն» շարականը երգելով մկրտվողին առաջնորդում է դեպի Ավազան, որտեղ քահանան ընթերցում է հատվածներ Աստվածաշնչից.

Եղեկել 36. 25-29

Մաքուր ջուր կսրսկեմ ձեր վրա, ու կմաքրվեք ձեր պղծություններից, ու ձեր բոլոր կուռքերից: Ձեզ նոր սիրտ կտամ, նոր Հոգի կտամ ձեզ. Ձեր մարմիններից քարեղեն սիրտը կհանեմ, մարմնեղեն սիրտ կտամ Ես ձեզ: Իմ Հոգին ձեր ներսը կղնեմ, ձեզ իմ օրենքներում քայլել կտամ, որ իրավունքներս պահեք ու ի դործ դնեք: Կապրեք այն երկրում, որ ձեր հայրերին եմ տվել: Իմ ժողովուրդը կլինեք դուք, Ես էլ ձեր Աստվածը կլինեմ: Ձեր բոլոր անմաքրություններից ձեզ կազատեմ, հացին կկանչեմ ու կշատացնեմ, ու սով չեմ բերի ձեր վրա:

*Գաղատացիներին 3. 24-29*

Այսպիսով Օրենքը մեր համար դաստիարակ եղավ Քրիստոսին զալու, որպեսզի հավատով արդարանանք, իսկ երբ հավատը եկավ, այլևս դաստիարակի հսկողություն տակ չենք:

Դուք բոլորը Աստծո որդիներ եք՝ Քրիստոս Հիսուսի հավատով, որովհետև դուք բոլորդ, որ Քրիստոսով մկրտվեցիք՝ Քրիստոս հազաք: Չկա ոչ հրեա, ոչ հույն, չկա ոչ ծառա, ոչ ազատ, չկա ոչ արու, ոչ էգ: Քրիստոս Հիսուսում դուք բոլորդ մի եք: Բայց եթե դուք Քրիստոսին եք, ուրեմն Աբրահամի սերունդն եք և ըստ խոստման՝ ժառանգորդներ:

*Ավետարան ըստ Հովհաննեսի 3. 1-8*

Եվ փարիսեցիների մեջ Նիկողեմոս անունով մի մարդ կար, որ հրեաների իշխանավոր էր: Սա գիշերով եկավ նրա մոտ ու նրան ասաց. «Ռաբբի՛, գիտե՞ս, որ Աստծուց ես եկել որպես վարդապետ, որովհետև ոչ ոք չի կարող կատարել այն նշանները, որ դու ես անում, եթե Աստված նրա հետ չլինի»: Հիսուս պատասխանեց և ասաց նրան. «Ճշմարիտ, ճշմարիտ եմ ասում քեզ, եթե մեկը վերստին չծնվի, չի կարող Աստծու արքայությունը տեսնել»:

Նիկողեմոսը նրան ասաց. «Ինչպե՞ս կարող է ծնվել մի մարդ, որ ծեր է. միթե կարելի՞ է իր մոր որովայնը կրկին անգամ մտնել ու ծնվել»: Հիսուս պատասխան տվեց և ասաց. «Ճշմարիտ, ճշմարիտ եմ ասում քեզ, եթե մեկը ջրից ու Հոգուց չծնվի, չի կարող Աստծու արքայությունը մտնել. որովհետև մարմնից ծնվածը մարմին է, իսկ Հոգուց ծնվածը՝ Հոգի: Դու մի՛ զարմացիր, որ քեզ ասացի՝ պետք է ձեզ վերստին ծնվել. որովհետև քամին ուր ուզում է՝ փչում է, և նրա ձայնը լսում ես, բայց չգիտես որտեղից է գալիս կամ ուր է գնում. այսպես է և ամեն ոք, որ Հոգուց է ծնված:

*Այնուհետև քահանան սաղմոս 30՝ «Տիրոջ ձայնը ջրերի վրա է» ասելով, ջուր է լցնում Ավագանը: Հովհաննես Երզնկացին այսպես է ավելացնում.*

Այսինքն այն նույն աստվածային Ձայնն է, որ արարչություն պահին ջրերի վրա էր և ասում էր. Ջրերը թող կենդանի շունչ ունեցող գեոուներ հասնեն, որը և եղավ ըստ Աստծո հրամանի:

Դա այն նույն ձայնն էր, որ Քրիստոսի մկրտության ժամանակ Հորդանանում լավեց՝ Դա է Իմ սիրելի Որդին, նույն ձայնն է այս ջրի վրա, որ ծնունդ է տալիս այս երեխային, որը Հոգեգին մարդու որդի է, իսկ այսուհետև Աստծո որդի է լինելու:

*(Որատներ, էջ 150)*

*Որից հետո աղոթում է.*

Առաքիլը քո Սուրբ Հոգին այս ջրի վրա և սրբիլ այն. ինչպես սրբեցիր այն իջնելով Հորդանան գետը... և շնորհիլ, որ այս ջուրը, որում մկրտվելու է հիմա, մեղքերի թողություն և Սուրբ Հոգին ընդունելու համար, Երկնավոր Հորը որդեգրվելու և երկնքի Թագավորությունը ժառանգելու համար լինի:

Առաքեա՛լ զՀոգիդ քո Սուրբ Ի ջուր գայս, և սրբեա՛ զսա, որպէս սրբեցէր զՅորդանան իջնելով... և շնորհեա՛ սմա զջուրս գայս՝ յորում մկրտի յայժմ, ի թողութիւն մեղաց՝ յընդունելութիւն Հոգւոյդ Սրբոյ. յորդեգրութիւն Հօրդ երկնավորի՝ և ի ժառանգութիւն Արքայութեանդ երկնից:

*Այդ պահին երեխային մերկացնում են և բերում քահանայի մոտ, որը խաչով և «օրհնեսցի և սրբեսցի» ծանոթ բանաձևը երեք անգամ կրկնելով օրհնում է ջուրը: Որից հետո սրբալույս մեռուր խաչանման հեղում է ջրի մեջ\* ու երգում.*

Բարձունքներից աղավա՛նու նման առաքեց Սուրբ Հոգին, որը մեծածայն հնչմամբ, մինչև աշակերտները նստել էին Վերնատանը, նրանց չայրելով իջավ նրանց վրա:

Առաքելոյ աղանույ իջանելով մեծածայն հնչմամբ ի բարձանց. ի նմանութիւն լուսոյ փայլման հրազինեաց անկիզկի զաշակերտսն. մինչդեռ նստեին ի սուրբ վերնատանն:

*Որից հետո աղոթում է.*

Մերկացրու սրան մեղքի հնուությունից և նորոգիլ նոր կյանքով և Քրիստոսի փառքով նորոգվելու համար լցրու Սուրբ Հոգով:

Մերկեա՛ ի սմանէ զհնութիւն մեղաց, և նորոգեա՛ ի կեանսն նորս, և լցո՛ր զօրութեամբ Հոգւոյդ Սրբոյ ի նորոգութիւն փառաց Քրիստոսի քոյ:

*Քահանան հարցնում է.*

- Երեխան ի՞նչ է խնդրում:

- Երեխայս զի՞նչ խնդրէ:

*Կնքահայրը պատասխանում է.*

- Հավատ, հույս, սեր և մկրտություն: Մկրտվել և արդարանալ, սրբվել մեղքերից, ազատվել դեևերից և ծառայել Աստծուն:

- Հաւատք, Յոյս, Սէր և մկրտութիւն: Մկրտիլ և արդարանալ. սրբիլ ի մեղաց, ազատիլ ի դեւաց և ծառայել Աստուծոյ:

*Այս հարցը ու պատասխանը կրկնվում է երեք անգամ, եթե մկրտվողը չափահաս է, ինքն է պատասխանում: Արարողությունից առաջ կնքահորը կամ չափահաս մկրտվողին պետք է բացատրել թե իրենք ինչ են անելու և ասելու: Եթե իրենց ուղղվելիք հարցերի պատասխանը չգիտեն, անհրաժեշտ է սովորեցնել կամ էլ գրավոր*

\* Հովհաննես Երզնկացին այս առիթով ասում է. Եվ մեռուր խաչանման կաթնեղում է ջրի մեջ, քանի որ մեռուր Քրիստոսն է, իսկ խաչաձևը՝ Քրիստոսի խաչը: Ինչպես Քրիստոս խաչի վրա մեռավ, այնպես էլ Քրիստոսյան խորհրդաբար սվագանում Քրիստոսին խաչակից է լինում, որպես թե մեռած մեղքի և աշխարհի հանդեպ և կենդանի է Քրիստոսի համար՝ բարեգործություն: (Որատներ: էջ 150)

Հանձնել իրենց:

Արանից Հետո քահանան ասում է.

-Ըստ քո հավատի թող լինի քեզ:

Ապա անունն է դնում.

(Այսինչ անուն) Աստծո ծառան եկել է երեսայությունից մկրտվելու: Մկրտվում է Հոր անունով, -

(Այս անուն) ծառայս Աստուծոյ, եկեալ երեսայութենէ ի մկրտութիւն, մկրտի յանուն Հօր, -

այս ասելուց երեսային իջեցնում է ավազանի մեջ՝ ձախ ձեռքով բռնելով պարանոցը, աջով ոտքերը և թաղում ջրի մեջ մինչև ծոծորակը ու երեսային հանում է ջրից:

Ընկղմում է երկրորդ անգամ և ասում.

Որդու անունով, -

և Որդւոյ, -

Նորից երեսային հանում է ջրից, երրորդ անգամ ընկղմում և ասում.

և Սուրբ Հոգու:

և Հոգւոյն Սրբոյ:

Գնված է Քրիստոսի արյամբ մեղքի ծառայությունից, ընդունում է Երկնավոր Հոր որդեգրությունը, դառնում ժառանգակիցը Քրիստոսի և Սուրբ Հոգու տաճար:

Գնեալ արեամբն Քրիստոսի ի ծառայութենէ մեղաց, ընդունի զորդեգրութիւն Հօրն երկնաւորի, լինել ժառանգակից Քրիստոսի, տաճար Հոգւոյն Սրբոյն:

Անհրաժեշտ է, որ ավազանը բավականին խորը լինի, որպեսզի երեսան թաղվի մեջը: Դվինի Բ ժողովի 15-րդ կանոնը հրահանգում է.

...մկրտվողի հասակը բավականին պետք է ծածկվի ջրով:

Այսպիսով, Ամենասուրբ Երրորդության անունով կանչվում է մեկ անգամ՝ եռակի ընկղմամբ: Քահանան ավազանից հանելով երեսային երեք ափ ջուր է լցնում երեսին ու գլխին ասելով.

Դուք, որ Քրիստոսով մկրտվեցիք, Քրիստոսը հազաք: Ալելուիա: Եվ դուք, որ Հորից լուսավորվեցիք, Սուրբ Հոգին է, որ բերկրում է ձեր մեջ: Ալելուիա:

Որք է ի Քրիստոս մկրտեցայք, զՔրիստոս զգեցեալ եք, ալելուիա: Որ ի Հայր լուսաւորեցայք, սուրբ Հոգին բերկրեսցի ի ձեզ. ալելուիա:

Եթե մկրտվողները մեկից ավել են, բոլորը միևնույն ավազանում պետք է մկրտվեն: Եթե երեսան վարակիչ հիվանդություն ունի, կարելի է ավազանում մկրտել այն պայմանով միայն, որ հետո ավազանը լվացվի տաք ջրով և օճառով: Այս դեպքում հարմար է, որ երեսան տաշտում մկրտվի:

Եթե մկրտվողը չափահաս է, պետք է լրիվ մերկանա, գլխից մինչև ոտքերը երկարող շապիկ հագնի և նստի խոշոր տաշտի մեջ: Քահանան երեք անգամ թասով ջուր է թափում նրա գլխին՝ թրջելով նրա ամբողջ մարմինը և արտասանում մկրտության բանաձևը: Յուրաքանչյուր հեղումից հետո մկրտվողը ոտքի է կանգնում և նորից նստում: Եթե մկրտությունը կատարվում է հոսող ջրում, մկրտվողը երեք անգամ ինքն իրեն ընկղմում է ջրի մեջ, երբ քահանան ասում է մկրտության բանաձևը: Մկրտող քահանան նախօրոք պետք եղածը բացատրում է չափահաս մկրտվողին, որպեսզի այն տպավորությունը չստացվի, թե մկրտվողն է ինքն իրեն մկրտում, այլ պարզապես քահանայի գործն է հեշտացնում\*:

Դրանից հետո երգում են շարականը.

Դու, որ համազոյ ես Հորը և Որդուն ...Քեզնով են արարածները կյանքի համար ջրից ծնվում: Ահա և այսօր Աստծո մի որդի էլ ջրից ծնվեց, ով Սուրբ Հոգի Աստված, ողորմյա մեզ:

Որ համազոյդ ես Հօր և Որդւոյ ...Որով կենդանածնեալք ի ջուրս արարածք: Որդիս Աստուծոյ այսօր ծնանիս ի ջուրց. Հոգի Սուրբ Աստուած, ողորմես:

Այստեղ կարդացվում է Հռոմեացիներին Պողոս Սրբազան Առաքյալի ուղղված Նամակի 6-րդ գլխի 3-11 տները.

Զգիտե՛ք, թե՛ մենք բոլորս, որ մկրտվեցինք Հիսուս Քրիստոսով, նրա մահով է, որ մկրտվեցինք:

Մկրտությունը թաղվեցինք նրա հետ մահվան մեջ, որպեսզի, ինչպես որ Քրիստոս մեռելներից հարություն առավ Հոր փառքով, նույնպես և մենք քայլենք նոր կյանքով. որովհետև, եթե նրա մահվան նմանությամբ տնկակից եղանք նրան, պիտի լինենք նաև նրա Հարության նմանությամբ: Այս իմացե՛ք, որ մեր միջի Հին մարդը խաչվեց նրա հետ, որպեսզի քայքայվի մեղքի մարմինը, և այլևս մենք չծառայենք մեղքին. որովհետև, ով մեռնում է, ազատ է մեղքից: Իսկ եթե մեռանք Քրիստոսի հետ, հավատում ենք, թե նրա հետ էլ կապրենք: Գիտենք, թե Քրիստոս մեռելներից հարություն առած լինելով՝ այսուհետև չի մեռնի, և մահը նրան այլևս չի տիրի. որովհետև նա, որ մեռավ, մեղքի համար մեռավ մեկընդմիջտ, և նա, որ կենդանի է, կենդանի է Աստծու համար: Նույնպես և դուք ձեզ մեռած համարեցե՛ք մեղքի համար, բայց կենդանի՝ Աստծու համար, մեր Տեր Քրիստոս Հիսուսով:

\*Ըստ Պարտավի ժողովի 8-րդ կանոնի, դատապարտվում են այն տգետ և անմիտ քահանաները, ովքեր մկրտության ջուրը ոտնատակ և անմաքուր տեղ են լցնում և հրահանգվում է, որ սրբագործված ջուրը մկրտության ավազանի մեջ թափեն, իսկ ուր ավազան չկա ոտնատակից հեռու մի տեղ:



Այսպես ավարտվում է մկրտութունը, որով ըստ Գրիգոր Տաթևացու ընդունում ենք հետևյալ օրհնությունները:

Երանություններ, որ ընդունեցինք Ավագանում.

Նախ -Սկզբնական մեղքերի թողությունը:

Երկրորդ - Պատիժներից ազատվելը:

Երրորդ - Արդարության շնորհը:

Չորրորդ - Ներգործման սրբությունը:

Հինգերորդ - Փրկություն թշնամուց:

Վեցերորդ - Միածնին եղբայր լինելը:

Յոթերորդ - Սուրբ Հոգու գանազան պարգևները:

Մկրտությանն անմիջապես հաջորդում է Դրոշմի խորհուրդը:

# ԴՐՈՇՄ

ԽՈՐՀՐԴԻ ՆՇԱՆԱԿՈՒԹՅՈՒՆԸ

Դրոշմը Սուրբ Հոգին ընդունելու խորհուրդն է: յուրաքանչյուր հավատացյալ անհատի համար Հոգեգալուստ. Սուրբ Հոգու իջնելը քրիստոնյային շնորհված կնիքի ընդունման խորհուրդն է: Դրոշմը մկրտության ավարտն է ու լրումը: Մենք սովորաբար օգտագործում ենք կնունք բառը, որն առաջացել է կնքել բայից, այսինքն կնիք դնել:

Դրոշմով Սուրբ Հոգու շնորհը և պարգևները տրվում են դրոշմ ընդունողին: Մկրտությամբ նույնպես շնորհ է տրվում: Ո՞րն այս երկուսի տարբերությունը: Մկրտությամբ մարդն ընդունում է Սուրբ Հոգու հիմնականում մաքրվելու, Աստծու որդեգրվելու և սկզբնական մեղքը քաղելու համար: Իսկ դրոշմով Սուրբ Հոգին և նրա շնորհները տրվում են քրիստոնեական կյանքի մեջ գորանալու համար: Մկրտությամբ սրբվում ենք մեր մեղքերից, վերատին ծնված, մտնում նոր կյանք: Իսկ Դրոշմը գորացնում է մեր Հոգիները, լուսավորում մեր Հոգեկան կարողությունները\*, գինում է

\* Այն ամեն դրականը, որ կա մարդու մեջ, պիղծ է և միայն խաչով անցնելուց է սրբվում և խաչի կնիքն ունենալով է ընդունելի և պողաբեր դառնում Աստծո համար:

մեզ ընդիմանալու կյանքի բոլոր փորձություններին և թշնամու հարձակումներին:

Մարմնի տասներեք մասերից յուրաքանչյուրին, որ օծում են, տրվում է հատուկ շնորհ:

1. Ճակատի կնիքը երկնային անապական պարգևների համար է:

2, 3. Աչքերինը - լուսավորության համար, որ երբեք մահ չտեսնեն:

4, 5. Ականջներինը - Աստծո պատվիրանները լսելու համար:

6. Հոտոտելիքինը - կյանքի անուշուրյան բույրը հոտոտելու համար:

7. Բերանինը - որ ամուր մնա շրթունքների պահպանության ներքո:

8, 9. Ձեռքերինը - բոլոր առաքիլի և բարի գործերը գործելու համար:

10. Սրտինը - որ սրբության մեջ հաստատվի և ճշմարիտ Հոգին իր մեջ նորոգվի՝ թարմանա:

11. Մեջքինը - որ լինի ամուր վահան, չարի բոլոր թունավոր նետերին դիմադրելու համար:

12, 13. Ոտքերինը - որ նրանք անսասան ընթանան հավիտենական կյանքի ճանապարհով:

Առաջին դարում բոլոր եկեղեցիներում մկրտությունն ու դրոշմը միևնույն ձևի առանձին և անբաժանելի մասերն էին, ինչպես Սուրբ Պատարագում հացն ու գինին անբաժան են մատակարարվում: Քրիստոսի մկրտվելուց հետո Սուրբ Հոգին աղավաղելու իջավ նրա վրա: Այս ի նկատի ունենալով Եկեղեցին միացրեց մկրտությունն ու դրոշմը:

Առաքյալները մկրտությունից անմիջապես հետո ձեռք էին դնում մկրտվածների վրա, որպեսզի Սուրբ Հոգին ստանան (Տես Գործք Առաքելոց 8. 11-17, 19. 1-6, Եբրայացիներին 6.2): Հետագայում Եկեղեցում մեռոնը (մյուռոնը) գործածվեց որպես Սուրբ Հոգու իջնելու և ընդունելու միջոց: Այսպիսով, դրոշմի խորհուրդը կատարվում էր կամ ձեռք դնելով, կամ էլ սրբալույս մեռոնի օծմամբ: Հայոց Եկեղեցին, ինչպես նաև արևելյան մյուս եկեղեցիները, դրոշմի խորհուրդը կատարում է մկրտությունից անմիջապես հետո՝ ըստ նախկին տիեզերական Եկեղեցու սովորության՝ համաձայն առաքյալների և սուրբ Հայրերի օրենքների:

**ԽՈՐՀՐԴԻ ԿԱՏԱՐՄԱՆ ՊԱՅՄԱՆՆԵՐԸ**

Դրոշմը, ինչպես և մկրտությունը, չի կարելի կրկնել. եկեղեցին այն մատակարարում է միայն չունեցողներին: Օրինակ, երբ վավերական մկրտվածները ուզենան Հայոց Եկեղեցու անդամ լինել, պետք է անպայման դրոշմվեն, որովհետև թեև մկրտված են, բայց դրոշմված չեն:

Ինչպես տեսանք դրոշմի խորհուրդը ավարտումն ու լրումն է մկրտություն: Այն ստացողը և Քրիստոսի Սուրբ Մարմնին և Արյանը Հաղորդվողն է միայն դառնում կատարյալ քրիստոնյա, հետևաբար կարող է ընդունել մյուս խորհուրդները: Օրինակ, չդրոշմված մեկը չի կարող պսակվել Հայոց Եկեղեցում, անհրաժեշտ է չկնքվածը դրոշմվի և ապա մասնակցի մյուս խորհուրդներին: Օժման պահին, երբ քահանան արտասանում է «Կնիքս Հիսուսի Քրիստոսի», սա արդեն անհատական Հոգեգալուստ է յուրաքանչյուր քրիստոնյայի համար:

Հայաստանեայց Եկեղեցում, դրոշմի խորհուրդը կատարում է քահանան կամ եպիսկոպոսը:

**ԽՈՐՀՐԴԻ ԿԱՏԱՐՈՒՄԸ**

Դրոշմի առաջին մասը՝ դրոշմվողի զգայարանները և անդամները օժվում են սրբալույս մեռնով, որով էլ նրանցից յուրաքանչյուրին տրվում է մասնավոր շնորհ:

Երկրորդ մասը՝ ընծայում Սուրբ Սեղանին, նվիրում Աստծուն՝ երեք անգամ երկրպագելով:

Երրորդ մասը՝ լրումն է այս բոլորի՝ Քրիստոսի Սուրբ Մարմնի և Արյան ճաշակումն է. նոր՝ աստվածային անվախճան կյանքի ընդունումը:

Այս ամենով երեխան լինում է կատարյալ քրիստոնյա և սուրբ եկեղեցու անդամ:

«Աղբյուր կյանքի, բաշխող շնորհի» շարականով սկսվում է խորհրդակատարումը: Քահանան աղոթքից հետո սուրբ յուղը լցնում է մեռնատուփի մեջ և երգում է.

Որ ի՛նչ սուրբ Վերնատուն և օձեցիլ առաքյալներին օժումով այս: Եվ այս օժումով Հոգեկենսերին վերասեղծեցիլ Աստո որդիների, Երկնային շնորհները լցրու նաև այս յուղով:

Որ ի վերնատունըն սուրբ ի՛նչ անելով յառաքեալան օժումն օձելոց. և օժմամբս այսու վերասեղծէր նոքօք զհոգեղէնս, որդիս Աստուծոյ. Հեղ ընդ այս իւղոյս գերկնային քո զնորհս:

Ապա հանուն Հիսուս Քրիստոսի կնքվում է մկրտվածի ճակատը, աչքերը, ախանջները, քիթը, բերանը, ձեռքերը, սիրտը, մեջքը և ոտքերը: Քահանան մարմնի տասներեք մասերը դրոշմելով աղոթում է, որ նրանցից յուրաքանչյուրը ստանա վերահիշյալ շնորհները: Հետո խաչակնքում է և ասում.

Խաղաղություն ընդ քեզ, փրկյալ Աստծո: | Խաղաղութիւն ընդ քեզ փրկեալ Աստուծոյ  
Խաղաղություն ընդ քեզ, օծյալ Աստծո: | Խաղաղութիւն ընդ քեզ օծեալ Աստուծոյ:

Կնքահայրը պատասխանում է.

Եվ քո Հոգու Հետ: | Եւ ընդ Հոգւոյդ քում:

Ապա նորակնունք երեխային հազցնում են նոր սպիտակզգեստներ, որպես հանգերձ փրկության և պատմուճան ուրախության: Գլխին կապում են նարնտը, որ է «շնորհի պսակը ...չփչացող զենք հակառակորդի դեմ»: Քահանան երկու մոմ է տալիս կնքահոր ձեռքը, իբրև կնքվողի լուսավորելու խորհրդանշան և որպեսզի աստվածային լույսը սրբալույս մեռնով նրա կյանքում առաջնորդ լինի: Եթե կնքվողը չափահաս է, ապա ինքն է բռնում մոմերը:

Երուսաղեմի Ձեռագրատան 289 Մաշտոցում Մկրտության կանոնի մեջ հետօժման արարողությունը այսպես է նկարագրվում.

Քահանա երեք անգամ խաչակնքում է երեխային և ասում.

Խաղաղություն ընդ քեզ փրկյալ Աստծո: | Խաղաղութիւն ընդ քեզ փրկեալ Աստուծոյ:

Կնքահայրը պատասխանում է

- Եվ քո Հոգու Հետ: | Եւ ընդ Հոգւոյդ քում:

Ապա պրում են Հին շորերը և նորը հազցնելով ասում

- Հազցրու սրան հանդերձ փրկության և ուրախության պատմուճան մեր Տեր Հիսուս Քրիստոսի շնորհով: | Զգեցո՛ւ՛ սմա հանդերձ փրկութեան և պատմուճան ուրախութեան շնորհոք Տեառն մերոյ Յիսուսի Քրիստոսի:

Հետո կնքուղը գլխին են դնում և ասում.

- Դիբ, Տեր, փրկության սաղավարտ և շնորհի պսակ սրա գլխին շնորհով և մարգախիբությունամբ... | - Դիբ Տէր սաղաւարտ փրկութեան և պսակ շնորհաց ի գլուխ սորա շնորհօք և մարգախիբութեամբ...

Հետո նարնտը կապում են վզին և ասում.

- Ով Տեր, արգարություն հազցրու սրա պարանոցին և սրբիբ մեղքի ամեն աղտեղու- | Զգեցո՛ւ՛, Տէր, պարանոցի սորա զարգարու-  
թյունից շնորհով և մարգախիբությամբ ... | թիւն և սրբեա՛լ յամենայն աղտեղութիւնէ մեղաց շնորհօք և մարգախիբութեամբ...

Ծածկում են սպիտակ հանդերձով և ասում.

Սպիտակ Հագնված աներկյուղ մոտենաւ Աստծո Գահին, այլևս մեր Տեր Հիսուս Քրիստոսի Հետ ժառանգակից եւ Հավիտեանական կյանքի:

Հետո կանաչ եւ կարմիր մոմերը ձեռքն են տալիս եւ ասում.

- Առ լապտերն Հավատի եւ բարի գործերի, քանի որ Երկնավոր Փեսայի Գալստին կթուլատրեն մտնել լուսո առագաստը վայելելու Հավիտենական կյանքը:

Զգեցեալ սպիտակ գնացես աներկիւղ առաջի Աթոռոյն Աստուծոյ. լինել ընդ Տեսան մեռոյ Յիսուսի Քրիստոսի եւ ժառանգակից յաւիտենական կենացն:

- Առ զլապտերն Հաւատոյ եւ գործոց բարեաց, զի ի դալ Երկնաւոր Փեսային տացին մտանել ի յառագաստն լուսոյ եւ վայելել ի կեանն յաւիտենական:

Հետո սաղմոսելով քահանան գրկում եւ բեմ է հանում երեխային՝ երեք անգամ երկրպագում Սուրբ սեղանի առջև եւ ասում.

(Այս անուն) Քրիստոսի ծառան եկել է երեխայությունից մկրտութեան. մկրտութեանից երկրպագութեան: Երկրպագում է Սուրբ Սեղանին, երկրպագում է Սուրբ Խորանին, երկրպագում է Սուրբ Ավագանին՝ մերկացալ տնօրենութեանից եւ Հազալ աստվածգիտութեան լույսը:

(Այս անուն) ծառայս Քրիստոսի՝ եկեալ յերեխայութենէ ի մկրտութիւն. մկրտութենէ յերկրպագութիւն: Երկրպագէ Սուրբ Սեղանոյս, երկրպագէ Սուրբ Խորանիս, երկրպագէ Սուրբ Աւագանիս՝ որ մերկացալ զանօրէնութիւն եւ զգեցաւ զոյս աստվածագիտութեան:

Հետո հաղորդութեան է տալիս եւ ասում.

Մարմինը եւ Արյունը մեր Տեր Հիսուս Քրիստոսի թող լինի քեզ համար փրկութեան եւ առաջնորդ անվախճան կյանքի: Ամեն:

Մարմին եւ Արիւն Տեսան մերոյ Յիսուսի Քրիստոսի. եղիցի քեզ փրկութիւն եւ առաջնորդ յանվախճան կեանս. ամէն:

Երեխային կնքահորը հանձնելուց հետո քահանան աղոթում է.

ԱՀա ստացալ քո (այս անունը) ծառան սրբութեան օծումը, որի համար աղաչում ենք, Տեր մի ջնջիր սրան քո կյանքի աշակերտութեանից:

ԱՀա ընկալաւ (այս անուն) ծառայս քո զօծումն սրբութեան քո, վասն որոյ աղաչեմք զքեզ Տէր, մի՛ ջնջեսցի սա ի դպրութենէ քումմէ կենաց:

Համբուրում են նոր մկրտվածին եւ օծվածին եւ այսպիսով նա ընդունվում է Հայաստանյայց Եկեղեցու ծոցը եւ դառնում նրա անբաժան անդամը:

«Պահպանիչով» եւ «Հայր մերով» արարողութեանը ավարտվում է:

Հավատացյալների Հուշար եւ նրանց պահպանը եղող Քրիստոս Աստված մեր, քո ծառային պահիր եւ պահպանիր քո սուրբ եւ պատվական Խաչի Հովանու ներքո խաղաղութեամբ: Փրկիլ տեսանելի եւ անտեսանելի թշնամիներէց:

Պահպանիչ եւ յոյս Հաւատեցելոցն Քրիստոս Աստուած մեր, պահեա՛ զծառայս քո ընդ Հովանաւ սուրբ եւ պատուական Խաչի քո ի խաղաղութեան, փրկեա՛ յերեկի եւ յաներևոյթ թշնամուոյն:

Արժանացրու, որ գահանալով փառավորենք Քեզ, Հոր եւ Սուրբ Հոգուն այժմ եւ միշտ Հավիտյանս Հավիտենից:

Արժանաւորեա զհոգութեամբ փառաւորել զՔեզ, ընդ Հօր եւ ընդ Սրբոյ Հոգւոյդ, այժմ եւ միշտ եւ յաւիտենից:

Ամեն:

Ամէն:

Մկրտութեան առաջին մասում՝ ԱՊԱՇԽԱՐՈՒԹՅԱՆ Ժամանակ Կարգացվող սաղմոսներն ու աղոթքները

Հայր մեր որ երկնքում ես, սուրբ լինի Քո անունը, Քո թագավորութիւնը դա Քո կամքը լինի երկրի վրա, ինչպես որ երկնքում է: Մեր ամենօրյա հացը տուր մեզ այսօր, ներիւր մեր պարտքերը, ինչպես մենք ներում ենք մեզ պարտք եղողներին, եւ մի տար մեզ փորձութեան այլ փրկիլ մեզ չարից, քանի որ Քոն է թագավորութիւնը եւ զօրութիւնը եւ փառքը Հավիտյանս Հավիտենից. Ամեն:

Հայր մեր, որ երկինս, սուրբ եղիցի անուն Քո, եկեսցէ արքայութիւն Քո, եղիցին կամք Քո որպես յերկինս եւ յերկրի: Զհաց մեր հանապազօրոյ տո՛ւր մեզ այսօր եւ թո՛ղ մեզ զպարտիս մեր, որպէս եւ մեք թողումք մերոց պարտապանաց: Եւ մի՛ տանիր զմեզ ի փորձութիւն, այլ փրկեա՛ զմեզ ի չարէն, զի Քո է արքայութիւն եւ զօրութիւն եւ փառք յաւիտեանս. Ամեն:

Օրհնյալ Հոգիդ Սուրբ Աստված ճշմարիտ:

Սաղմոս 50

1. Ողորմիր ինձ ով Աստված, Քո մեծ ողորմութեամբ, Քո առատ կարեկցութեամբ Զնջիր իմ հանցանքները:
2. Անօրենութիւնս իսպառ լվա եվ իմ մեղքից ինձ սրբիլ,
3. Քանի որ գիտակցում եմ հանցանքներս եվ իմ մեղքը միշտ իմ առջև է:
4. Քո դեմ, միայն Քո դեմ մեղք գործեցի

Եվ արեցի-ինչ որ չար է Քո աչքերի առջև:  
 Որպեսզի արդար լինես Քո խոսքերիդ մեջ  
 Եվ Հաղթող՝ դատելուդ ժամանակ:  
 5. Անօրենությունամբ ինձ Հղացավ  
 Ու մեղքով ծնեց մայրն իմ:  
 6. ԱՀա, ճշմարտությունն ես ուզում իմ ներսում,  
 Ծածուկ տեղում իմաստությունն սովորեցնում:  
 7. Մաքրիր ինձ զոպայի մշտիկով և մաքուր կլինեմ:  
 8. Յնծություն և ուրախություն թող լսեմ,  
 Տառապյալ ոսկորներս թող ցնծան:  
 9. Իմ մեղքերից երեսդ ծածկիր  
 Ու բոլոր անօրենություններս ջնջիր:  
 10. Իմ մեջ մաքուր սիրտ ստեղծիր, ով Աստված,  
 Եվ իմ ներսում ուղիղ հոգի նորոգիր:  
 11. Քո ներկայությունից մի գրկիր ինձ,  
 Եվ Քո Սուրբ Հոգին ինձանից մի հանիր:  
 12. Վերադարձրու ինձ Քո փրկության ցնծությունը,  
 Հոժարակամ Հոգին թող ինձ հաստատի  
 13. Հանցավորներին կսովորեցնեմ Քո ճամփաները,  
 Ու մեղավորները Քեզ մոտ կվերադառնան:  
 14. Արյունահեղությունից փրկիր ինձ, ով Աստված,  
 Ինձ փրկող Աստված,  
 Եվ լեզուս ցնծությամբ կերգի  
 Քո արդարությունը:  
 15. Տեր, եթե չըթունքն իմ բանաս,  
 Բերանս կհոչակի Քո Գովքը,  
 16. Զոհի չես հաճում, որ մատուցեմ,  
 Ողջակեզի էլ չես հավանում:  
 17. Աստծո զոհը փշրված հոգին է,  
 Փշրված ու խոնարհ սիրտը, ով Աստված,  
 Դու չես արհամարի:  
 18. Բարյացկամությամբդ, ով Տեր,  
 Սիրուն բարիք արա,  
 Երուսաղեմի պարիսպները շինիր:  
 19. Այնժամ զվարակներ կմատուցվեն Զոհասեղանիդ:

Փառք Հոր և Որդվո և Հոգվույն Սրբո, այժմ և միշտ և Հավիտյանս  
 Հավիտենից: Ամեն:

*Եվ ևս խաղաղության զՏեր աղաչեսցուք:*

Օրհնություն և փառք Հոր և Որդվո և Հոգվույն Սրբո, այժմ և  
 միշտ և Հավիտյանս Հավիտենից: Ամեն:

ՍԱՂՄՈՍ 130

1. Սիրտս չգոռոզացավ, ով Տեր,  
 Աչքերս էլ չբարձրացրի.  
 Ես մեծամեծ բաների  
 Եվ ինձ համար սքանչելի բաների հետ  
 Առնչություն չունեցա:  
 2. Այլ իմ անձը հանդարտեցրի ու հանգստացրի  
 Մոր կաթից կտրած մանկան պես եմ:  
 Կաթից կտրած մանկան պես իմ ներսը:  
 3. Իսրայելը թող Տիրոջը հուսա  
 Այսուհետև մինչև Հավիտյան:

ՍԱՂՄՈՍ 24

1. Դեպ Քեզ բարձրացրի իմ անձը, ով Տեր,  
 2. Քեզ հուսացի, Աստված իմ, մի թող, որ ես ամաչեմ  
 Եվ մի թող, որ թշնամիներս ծիծաղեն իմ վրա:  
 3. Քեզ ամեն հուսացողը թող չամաչի,  
 Ունայնությունամբ անօրենություն գործողները թող ամաչեն:  
 4. Յուրյ տուր, ով Տեր, Քո ճամփեքը ինձ,  
 Շավիղներդ սովորեցրու:  
 5. Ծճմարտությունդ առաջնորդի ու ինձ սովորեցրու,  
 Քանի որ Դու ես իմ Փրկիչը՝ Աստվածս.  
 Իմ հույան ամեն օր Քո վրա է:  
 6. Հիշիր, ով Տեր, գթությունները Քո,  
 Քանի որ նրանք Հավիտյան են:

Մանկուկության մեղքերն ու անգետ արարքներս մի հիշիր:

- 7. Հիշիր իձ, ով Տեր, ըստ ողորմության Քո, Քանի որ բարի ես Դու
- 8. Բարի և ուղիղ է Տերը,  
Դրա համար էլ կրթում է մեղավորներին իրենց  
ճամփաներում:
- 9. Արդարության է առաջնորդում հեզերին:  
Սովորեցնում է հեզերին իր ճամփաները:
- 10. Տիրոջ բոլոր ճամփաները ողորմած և ճշմարիտ են  
Նրա ուխտն ու պատգամները պահպանելի համար:
- 11. Քո անվան համար, ով Տեր, քավիր իմ անօրենսությունը,  
Չնայած որ մեծ է:
- 12. Ո՞վ է Տիրոջից վախեցող մարդը:  
Նրա համար ընտրված ճամփին կկրթի նրան:
- 13. Նա բարության մեջ պետք է բնակվի,  
Նրա սերունդն էլ երկիրը կժառանգի:
- 14. Իրենից վախեցողների հետ մտերիմ է Տերը  
եվ իր ուխտն է ճանաչեցնում նրանց:
- 15. Աչքերս միշտ Տիրոջն են հառած,  
Միայն նա կհանի ոտքերս որոգայթից:
- 16. Տես ինձ և ողորմիր ինձ,  
Քանի որ մենակ եմ ես ու տրտմած:
- 17. Սրտիս նեղությունները բազում են,  
Իմ վշտերից ինձ դուրս հանիր:
- 18. Տես տրտմությունս ու կսկիծս,  
Իմ բոլոր մեղքերը Դու ներիր:
- 19. Տես ինչ շատ են թշնամիներս.  
Սաստիկ ատելությունը ատում են ինձ:
- 20. Պահիր իմ անձն ու փրկիր ինձ.  
Թող որ չամաչեմ Քեզ հուսալուս համար:
- 21. Թող անարատությունն ու ուղղությունը  
Հովանավոր են ինձ,  
Քանի որ Քեզ եմ հուսացել:
- 22. Փրկազնիր, ով Աստված, Իսրայելը  
Իր բոլոր նեղություններից:

ՍԱՂՄՈՍ 25

- 1. Պաշպանի ինձ, Տեր,  
Քանի որ անարատ ընթացա՝  
Տիրոջն եմ հուսացել. անսասան եմ:  
2. Փորձիր ինձ, Տեր, և քննիր ինձ,  
Քննիր իմ սիրտն ու միտքը:  
3. Ողորմությունդ աչքերիս առջև է,  
ես էլ ճշմարտությունդ մեջ եմ ընթանում:  
4. Ունայն մարդկանց հետ չեմ նստում,  
Կեղծավորների հետ չեմ գնում:  
5. Ատում եմ հավաքը չարերի,  
եվ մերժում՝ չեմ նստում ամբարիշտների հետ:  
6. Անմեղությունը ձեռքերս եմ լվանում,  
Զոհասեղանիդ շուրջը դառնում, Տեր,  
7. Գովքն եմ Քո բարձրաձայն հռչակում,  
Բոլոր սքանչի գործերդ պատմում:  
8. Տեր, սիրում եմ այն տունը, ուր դու ես ապրում  
եվ Քո փառքի բնակած տեղը:  
9. Մեղավորների հետ մի կործանիր ինձ,  
եվ իմ կյանքը՝ արյունարբու մարդկանց հետ.  
10. Նրանց ձեռքերին անօրենսություն կա,  
Իսկ նրանց աչք լի է կաշառքով:  
11. Անարատ եմ ընթանում ես.  
Փրկազնիր և ողորմիր:  
12. Ոտքս ուղիղ գետնին եմ դրել,  
Մեծ հավաքություն Տիրոջը կօրհնեմ:

ՍԱՂՄՈՍ 26

- 1. Տերն է իմ Լույսն ու Փրկությունը,  
ես ումի՞ց եմ վախենում:  
Տերն է իմ կյանքի ապավենը,  
ես ումի՞ց եմ դողում:  
2. Չարերը երբ հարձակվեն վրաս

Մարմինս լափելու համար,  
 նեղիչներս ու թշնամիներս, երբ գրոհեն վրաս,  
 Սահելու են ու վայր ընկնեն:  
 3. Եթե մի բանակ էլ ինձ պաշարի,  
 Սիրտն իմ չի վախենա:  
 Եթե մարտնչեն էլ իմ դեմ,  
 Դարձյալ վստահ պիտի լինեմ:  
 4. Մի բան եմ խնդրում Տիրոջից՝  
 Այս եմ միայն աղաչում, որ որ Տիրոջ տանը բնակվեմ  
 Կյանքիս բոլոր օրերում:  
 Տիրոջ վայելչությունը տեսնեմ  
 Ու իր տաճարում իրեն աղերսեմ:  
 5. Քանի որ չար օրերում իր Արահում ապահով պահում է,  
 Իր խորանում է ինձ ծածկած պահում,  
 Բարձր ժայռի վրա ամուր հաստատում:  
 6. Ինձ շրջապատող թշնամիներես վրա գլուխս  
 բարձր եմ պահում,  
 Իր խորանում գոհություն պատարագ պիտի մատուցեմ:  
 Կերգեմ ու կսաղմոսեմ Տիրոջը:  
 7. Լսիր ձայնս, եր կանչեմ, ով Տեր,  
 Ողորմիր ինձ և պատասխանիր:  
 8. Ասում ես՝  
 Երեսս խնդրեք:  
 Սիրտս ասում է Քեզ՝  
 Երեսդ, ով Տեր,  
 Խնդրում եմ, փնտրում եմ:  
 9. Երեսդ ինձնից մի ծածկիր,  
 Բարկությունդ ծառայիդ մի մերժիր:  
 Դու Օգնականն ես իմ, Տեր,  
 Ինձ մի անարգիր,  
 Եվ մի թող ինձ,  
 Աստված՝ Փրկիչ իմ:  
 10. Եթե հայրս ու մայրս էլ թողեն ինձ,  
 Ապա Տերն ինձ կընդունի:  
 11. Տեր, սովորեցրու ինձ ճանապարհը Քո,

Եվ Քո ուղիղ շավիղներում ինձ առաջնորդի  
 Կեղեքիչներս պատճառով  
 12. Նեղիչներես ձեռքը մի մատնիր ինձ.  
 Կեղծ վկաներն են ելել իմ դեմ,  
 Անգուլթ ստեր են փչում:  
 13 Հավատում եմ՝ տեսնելու եմ Տիրոջ Բարուկությունը  
 Կենդանի եղողների երկրում.  
 Տիրոջը սպասիր.  
 Քաջակերվիր ու սրտապնդվիր  
 Եվ Տիրոջը սպասիր:



ԿՆՈՒՆԸ

--

ՄԿՐՏՈՒԹՅՈՒՆ

ԿՆՈՒՆԸ

--

ՄԿՐՏՈՒԹՅՈՒՆ